

viter excisus impressione supra minore, postice truncatus, impressione ibidem transversali majore, marginibus lateribus rotundatis reflexis: viridi - cupreus glaber laevissimus nitidissimusque, punctis vix conspicuis basi et ad latera subrugosus.

*Scutellum* parvum triangulare acutum subrugosum concolor.

*Elytra* thorace haud latiora triplo longiora oblonga convexa marginata ante apicem utrinque excisa viridi - aut aeneo - cuprea nitidissima nudo oculo punctato - scabra, ad lentem vero 3-4 longitudinaliter lineata, lineis parum elevatis integris, interstitiis punctis profundioribus subconfluentibus crebre impressis.

*Alae* deficiunt.

*Pectus* et *Abdomen* nigro - aenea glaberrima nitidissima.

*Pedes* atri nitidi. *Femora* incrassata glabra laevia, anteriora brevissima, posteriora fulcrata. *Tibiae* sulcatae, sulcis ciliatis. *Tarsi* articulis quinque margine pilosis, apice spinescentibus.

Magnitudo insecti undecim fere linearum.

### 23. CALLIDIUM sexguttatum.

*Callidium*: thorace cylindrico immaculato, elytris nigris maculis sex albis, majore semilunari. *Prod. Faun. Ins. Cauc. ined. n. 42.*

*Locus.* Ad torrentem Stragum Caucasi meridionalis in floribus Crataegi monogynae Majo 1801 captum.

### Descrip<sup>tio</sup>.

*Statura* C. plebeji.

*Caput* parvum pone antennas impressum villis brevissimis cinereum, mandibulis palpisque nigris. *Oculi* minores oblongi supra attenuati fusci. *Antennae* longitudine corporis aut paullo breviores setaceae, articulis cylindricis aequalibus pilosis, baseos cinereis versus apicem nigris.

*Thorax* cylindricus ater villis sordide cinereis vestitus, margine anteriore parum producto, posteriore truncato subprominulo.

*Scutellum* minimum triangulare atrum.

*Coleoptera* thorace  $3\frac{1}{2}$  longiora vix latiora linearia aequalia nec postice attenuata subtiliter marginata convexa nigra glabra opaca, maculis 6 griseo - tomentosis variegata; prima humerali oblonga, 2, 3 et 4 rotundatis quarum 3 ad marginem exteriorem reliquae ad saturam, 5ta semilunari omnium majori infra medium elytri et 6ta ad apicem.

*Corpus* subtus pilis decumbentibus longioribus cinereum. *Pedes* cinerei.

Magnitudo 7 linearum.

### 26. CALLIDIUM speciosum.

*Callidium*: thorace globoso flavo - fasciato, elytris nigris fasciis maculisque quinque viridi - flavis, secunda majori sursum flexa, antennis pedibusque ferrugineis. *Prod. Faun. Ins. Cauc. ined. n. 41.*